



Broj: 05/1-50-13-2944-2/17
Sarajevo, 22.12.2017.

ZAPISNIK

2. hitne sjednice Nezavisnog odbora Parlamentarne skupštine BiH

Sjednica je održana 22.12.2017., s početkom u 10 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić i Ljubomir Kuravica, članovi Nezavisnog odbora.

OPRAVDANO ODSUTNI ČLANOVI NEZAVISNOG ODBORA: Mato Jozić, drugi zamjenik predsjednice Nezavisnog odbora, i Vladimir Jurišić, član Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Vladana Savić, stručna savjetnica u Sektoru za druga parlamentarna tijela, te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 2. hitnu sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Lični zahtjev za razrješenje dužnosti Zijada Srabovića, zamjenika direktora Granične policije BiH, broj: 17-06-02-34-11/111, od 20.12.2017., a zaprimljen u Pisarnici Parlamentarne skupštine BiH 21.12.2017., broj: 05/1-34-1-2940/17;

2. Lični zahtjev za razrješenje dužnosti Mileta Jurića, zamjenika direktora Direkcije za koordinaciju policijskih tijela BiH, broj: 20-07-34-2-2288-2/17, od 20.12.2017., a zaprimljen u Pisarnici Parlamentarne skupštine BiH 21.12.2017., broj: 05/1-34-1-2941/17.

Prije otvaranja rasprave, a na prijedlog predsjednice Nezavisnog odbora, jednoglasno je odlučeno da se objedini rasprava o objema tačkama dnevnog reda.

Ad.1. – Ad.2.

Lični zahtjev za razrješenje dužnosti Zijada Srabovića, zamjenika direktora Granične policije BiH, broj: 17-06-02-34-11/111, od 20.12.2017., a zaprimljen u Pisarnici Parlamentarne skupštine BiH 21.12.2017., broj: 05/1-34-1-2940/17

Lični zahtjev za razrješenje dužnosti Mileta Jurića, zamjenika direktora Direkcije za koordinaciju policijskih tijela BiH, broj: 20-07-34-2-2288-2/17, od 20.12.2017., a zaprimljen u Pisarnici Parlamentarne skupštine BiH 21.12.2017., broj: 05/1-34-1-2941/17

U uvodu je predsjednica Nezavisnog odbora Tatjana Klječanin-Martić istakla da je razlog za sazivanje hitne sjednice razmatranje zahtjeva koji su upućeni Nezavisnom odboru sa oznakom „hitno“ na daljnju nadležnost i postupanje, a shodno odredbama člana 14. stav 2. i stav 3. tačka a) Zakona o Graničnoj policiji BiH, člana 7. stav 5. i stav 6. tačka a) Zakona o Direkciji za koordinaciju policijskih tijela BiH i člana 62. stav 1. tačka a) Zakona o policijskim službenicima BiH, te otvorila raspravu.

Nakon rasprave, u kojoj su učestvovali svi prisutni članovi Nezavisnog odbora, jednoglasno su primljeni k znanju lični zahtjevi za razrješenje dužnosti Zijada Srabovića, zamjenika direktora Granične policije BiH, i Mileta Jurića, zamjenika direktora Direkcije za koordinaciju policijskih tijela BiH. Također, jednoglasno je donesena odluka da se zahtjevi upute Vijeću ministara BiH i Ministarstvu sigurnosti BiH s prijedlogom da se razmotre na narednoj sjednici Vijeća ministara BiH.

Ovom prilikom članovi Nezavisnog odbora razgovarali su i o aktivnostima u vezi s raspisivanjem javnog konkursa za pozicije direktora i zamjenika direktora iz nadležnosti Nezavisnog odbora.

Predsjednica Nezavisnog odbora Tatjana Klječanin-Martić zaključila je sjednicu u 10,25 sati.

Sastavni dio ovog zapisnika je i tonski snimak sjednice.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić